



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Adversvs Omnia Catabaptistarvm Prava Dogmata
Heinrychi Bullingeri lib. IIII**

Bullinger, Heinrich

Tigvri, 1535

VD16 B 9759

Ad quid edicta magistratus prosint

urn:nbn:de:hbz:466:1-35433

chia, Nabuchodonosoris & Darij apud Danielem.

SIMON. Potestatem ne habent in animum & spiritum hominis: aut fidem edictis suis in pectora hominum imprimere possunt? IOIADA. Haud quaquam. In hoc uero edicta eorum prosunt, ut minus noceant impij, minus offendiculi, idololatriæ & blasphemie designent, per quæ saepe numero infirmi uel ad Christum uenire impediuntur, uel à Christo deficiendi occasionem sumunt. Administratio ergo quæ per leges fit magistratum, hoc efficit, ut minus sit malorum inter mortales, ut pie, honeste, & tranquille uiuant: utcunq; intus impij malitiam tegant, erumpere tamen non audent, ut cæteros, qui pie uiuere uolunt, turbent & offendant. Solus deus cor inspicit & iudicat. Probatam ergo hanc propositionem puto, quod, magistratui sit parendū. Nam si magistratus Christianus est, hoc magis ei obedire conuenit. Si uero ethnicus & impius, parere rursum debes, etiamsi te in corpore & rebus premat, modo à deo & ueritate non auocet. Sed firmiorem eam ex scripturis reddamus. LUcæ 20. Christus dare iubet Cæsari quæ Cæsar is sunt, & deo quæ dei. Per Cæsarem uero omnem in mundo magistratum intelligit, cui subiecta sunt corpora nostra & res nostræ, i. Reg. 8. Animus noster dei est, & in hoc deo plus debemus quam homini. Petrus sic docet: Subditi estote cuius humanæ ordinationi pro-

LIBER III.

pter dominū, siue regi tanquam præcellenti, siue præ
sidibus ab eo missis, ad vindictam quidem nocentium,
laudem uero recte agentium: quoniam sic est uolun-
tas dei, ut benefaciendo obturetis os hominibus igno-
rantibus &c. SIMON. Non ita dudum do-
cuitis ex Esaia & uerbis Christi frustra coli deum
mandatis & præceptis hominum: iam ex Petro diuer-
sum imò contrarium adseritis, parendum scilicet esse
omni humanæ ordinationi. IOIADA. Huma-

*Traditiōes
humanæ in
duplici sunt
Quædam in hoc constituuntur ut cultus sint dei, quas
differentia, homines alijs præscribunt, quasi necessarias ad salu-
tem, quas si homo omittat, peccet: si fecerit, deum de-
mereatur. Et his mandatis, quæ pura figura sunt ho-
minum, frustra colitur deus. Sunt rursus cōstitutiones
quædam magistratum de hereditatibus, de proprie-
tatis, de uenditione, locatione, de contractibus pu-
blicis, & quidquid huius generis est de quibus prin-
cipes & magistratus ad pacem & tranquillitatem
publicam statuunt. Hisce omnibus omnes obedire te-
nentur. Et de talibus loquitur Petrus, ut ex uerbis eius
satis appareat. Atq; hæc non ethnicis, sed Christianis
paßim dispersis scribit Petrus 1. Petri 2. Ad Titum 3.
capite sic habet Paulus: Admoneto illos, ut principa-
tibus & potestatibus subditi sint, ut magistratibus pa-
reant, ut ad omne opus bonum sint parati, ne de quoq;
mala dicant*